

Analisis Politico

Mas cu 100.000 Florin den saco di Rudy Lampe

ORANJESTAD (AAN): No tin palabra pa describe e sinbergueneria di ex pastor Rudy Lampe. Pa añanan largo e a hunga santo y a concentra ariba e entradanan di miembronan di Staten y e ministronan. E a habri afo contra e asina yama overbrugingstoelage.

Esaki ta e suma di placa cu un miembro di Staten tin derecho ariba dje ora e baha como miembro di Staten pasobra e no a worde reeligi. E idea tras di e derecho aki ta pa durante un aña duna e miembro di Staten cu a perde su entrada un suma pa e periodo di transicion pa asina e miembro aki por tin e tempo pa haya un otro entrada. Rudy Lampe tabata fanatico contra e derecho aki y a grita cu voz

duro cada rato cu e ta contra e derecho aki y e derecho aki mester worde elimina.

Bao di ningun circunstancia e lo haci uso di e derecho aki y e a ofende tur cu lo por haci uso di dje. Awe e mesun Rudy Lampe a bay cobra e suma di placa cu tanto e a critica. Aki sinbergueneria a yega su fin. Berdad no tin palabra pa describi un actitud asina. Loke e paso di Rudy Lampe kier meen ta cu ningun momento e tabata contra e overbrugingstoelage aki pa su mes pero solamente e no a kere cu e lo tabatin mester di dje.

E no por a soña biba cu e pueblo lo core cune como miembro di Staten y cu e lo ta para ariba caya sin entrada. Kier meen tur e tempo cu e a

critica e toelage aki ta pasobra e kier a kibra otronan cu lo mester di dje pasobra nan a keda sin entrada. Ta solamente pa haci otro dolor su boca tabata asina grandi contra e placanan aki. Awe e mes ta bay cobre. Si e tabatin un tiki di sinti di berguena e a bay banco pa presta e placa aki pero lo no pidi pa e toelage cu tanto e a critica.

Ya caba den nos analisis politico nos a kere cu nos por a caba cu e pagina preto di nos historia politico cu yama ex pastor Rudy Lampe pero ata e tey atrobe pa cobra su overbrugingstoelage.

Hypocrita sin fin. Nos a yega di relata cu Nel Oduber cu conoce Rudy Lampe miho cu tur hende pasobra nan a traha hunto den sushedad contra di AVP y ta Nel Oduber a yama Rudy Lampe pa un porco sushi.

Awe un biaha mas henter pueblo por compronde e expresion aki di Nel Oduber. Como hende cu tin un poco respet pa su mes y cu kier pa otro respete no por haci loke Rudy Lampe a haci. Ta con un hende asina por enfrenta mundo. Ta con e por para dilanti di su prohimonan cu a yega di respete como pastor

Analisis Politico



cu awe nan ta mira nan dilanti un mentiroso patologico cu un mentalidad putri y awo ta resulta sin lo minimo di berguena.

Cuanto e ex pastor aki a ofende hende. Cuanto e persona aki a pone nos conciudadananon sufri inhustamente pa awe tur hende por mira un resto di hende cobra e overbrugingstoelage. E a coopera cu e gobierno corrupto di MEP hunto cu su candidato pa ministro Anselmo Pontilius pa introduci e BBO contra nos pueblo. Ningun momento e a muestra cu e a arepentí e mal hecho aki.

Alcontrario den campaña e a enfatiza cu e lo por yuda MEP keda den gobiernu si e a saca asiento pa forma un mayoria cu MEP. Di e manera aki muestra cu tur e maldad cu

MEP a haci pe no tabata un problema. Esaki ta un di e motibonan cu pueblo a vota contra dje. Awe e ta muestra su mes votadornan tambe kico e mentalidad di dje ta. Hopi di su votadornan a goza su punto

di vista cu e ta contra pa e politiconan cobra placa di pueblo ora cu nan no ta miembro di Staten mas. Ata Rudy Lampe para dilanti den rij pa cobra e placa cu tanto e a habraca.

No tin palabra pa describi un mentalidad asina maligno. Nos a yega di trece padilanti caba cu Rudy Lampe ta un persona cu Bijbel den man y number di Dios den su boca ta hinca un puñal den lomba di su prohimo solamente pa propio satisfaccion. Nos ta desea Rudy Lampe hopi felicidad cu e mas cu cien mil Florin cu e ta bay saca for di saco di pueblo pa su mes.